

Ortwin, respectivmaing "Hartwin Philippen sun von Muntatschs" e seis descendents Arquin(t)s

Autor(en): **Baumhauer, Marianna**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **105 (1992)**

PDF erstellt am: **22.07.2024**

Persistenter Link: <https://doi.org/10.5169/seals-235704>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ortwin, respectivmaing «Hartwin Philippen sun von Muntatschs» e seis descendents Arquin(t)s

da Marianna Baumbauer

Ün pêr lös aint ils documaints vegls cuntegnan infuormaziuns sur da la vita dad Ortwin respectivmaing Hartwin da Muntatsch, il figl da Philipp:

- a) Hartwin Philippen e sun (=Sohn) da Muntatsch, sia duonna ed uffants
Heinreich, Ulreich, Dominig, Philipp, Klawes, Mengia
- b) Katharina, figlia da Jan de Muntatsch ed 5 uffants dad ella

(1) Pro a) es preschantada la famiglia chi consista da quellas persunas, da las qualas tratta mi'istorgia: Hartwin es il bap, nomnà cun seis prenom. Nan dad el resulta plü tard il nom da famiglia Arquin(t). Philipp es il bapsegner da la vart dal bap da nossa famiglia. Probabelmaing cha quel viva amo sül bain. El sarà bain stat ün dals prüms respunsabels per il bain da Muntatsch, sco cha nus vezzaran plü tard. Dingionder sun gnüts ils antenats dad Hartwin? Nan dal Vnuost? O d'eiran els Gualsers? Sur da la mamma gnaran nus infuormats plü tard, tras ün'otra funtana (7 e 19). Ils conjugals han 6 uffants. Els sun citats cun lur noms, probabelmaing perche ch'els sun per part fingià creschüts. Da l'otra vart nu gnina a savair ils noms dals uffants da la segunda famiglia chi'd es nomnada suot b). Forsa cha quels eiran amo massa pitschens.

Las duos familias stan a Muntatsch. Cur cha nus udin «Muntatsch», pensaina il prüm ad ün nom da cuttüra chi vain avant in plüs lös, p.ex. eir a Tarasp. Ma qua pro Hartwin, as tratta quai d'ün lö abità. Seguond Durich Campell es Muntatsch üna fracziun pitschna, situada dadaint Ramosch, ün pa suotvart Crusch dad hoz. Sulams da plü bod as vezza là amo adüna, eir ils rests d'üna pitschna chapella. Campell scriva (2):

«Tuornand uossa sün la via maistra, per ir, davo avair bandunà Sent, aval, schi vezzaina vers daman suot la via militara ün bain o ün pêr chasas dals da Sent cun nom «Montatium», in rumantsch Muntatsch. (Hoz be amo la ruina d'üna chasa suot Crusch; aggiunt dal traductur Men Gaudenz). Incirca in fatscha da Muntatsch, da l'otra vart da l'En, as tira

vers mezdi in üna lunga tratta üna val nomnada dals da Sent: Aguina, q.v.d. Aua pitschna (hoz: Val d'Uina; agiunt da Men Gaudenz), tanteraint las muntagnas da las Alps...

A Muntatsch as rechattaivan dimena üna pitschna chapella e las chasas da duos bains, correspundantas a las duos famiglias nomnadas survart.

Ün documaint dal 1412 cumplettescha quist purtret (3): *«Es kommend zu euern fürstlich gnaden eure arm leut Niklaus und Ortwin von Greusch, die haben (ainen hoff), die alp von Gryusch von euer vordern gnaden und von euch ze zinsleben, als sie auch darumb prief haben von euch und von euren vordern, davon si jeriklich zinsen müssen XXX lib. Da haben inen die gemainschaft ze Ramuss etlich zeit und vor nie irrung daran getan und mainent die alp sey ir mit sampt inen und wellent si die nicht lasen niessen als si von alter getan haben und haben si swerlich darumb gephentet wol zum andern mal, nemlich ainst zwen jung oxen, die inen verlorn wurden, und darnach prachen si inen ire tur uff und namen inen phand (für XLIII) mit gewalt an recht, das klagen si euer fürstlich gnaden und haben auch das klegt euren richter ze Nauders (und den herren von Mätsch), der inen des nicht vermocht sein, und pitten und ruffend ewer fürstlich gnad an, das ir sey haltet und schemet peyder vorgenannt alpen, als si di vor alter her gehabt haben nach euer und euer vordern prieflaug und sag und das ir schaffent, das inen widerkert werd, das inen zu unrecht und an recht genommen haben. Wan tat das euer gnad nicht, so wurd ir widertail inen also nabend waiden und neu infel machen als si angefangen haben, damit die alp wurd öd ligen und möchten euren zins davon nicht geraichen und musten da dannen ziehen.»*

Sch'eu incleg güst las indicaziuns dal documaint dal 1412, schi avdan ils duos homens qua nomnats, nempe Niklaus ed Ortwin, a Greusch e fan economia e lavuran sün «l'alp da Gryusch» ch'els possedan sco feud. Gryusch pudess esser il Griosch dad hoz, illa Val Tiatscha, üna val laterala da la Val Chöglias, sper la via sülla Fuorcla da Fenga, circa in ün otezza da 1800 m. Plü bod d'eiran là 10 chasas, bains adüna abitats. Plü tard ha transfuormà la glied da Vnà las chasas da dmura in prümars. (Campell e Sprecher [16]). Il vegl Griosch nun exista hoz plü. Üna lavina til ha desdrüt. Uossa as rechattan là ün pêr abitaziuns novas da vacanzas. I's savess daplü sur dad Ortwin e Niklaus, schi's füss in possess da la charta da feud chi'd es manzunada aint il documaint dal 1412, nomnà survart.

Sper Griosch (plü bod Gryusch?) d'eiran vasts pas-chs da bescha, sco cha nus udiran bainbod. Nos duos homens as plandschan nempe, cha'ls

Ramoschans pretendan drets vi da quist'alp ch'els nu possedan. Ün dals duos plandschaders as nomna, sco dit, «Ortwin». Ha'l nom uschè, be perche ch'el scriva ad «euern fürstlich gnaden» in Austria (Tirol)? Ha'l a chasa ün oter nom? Forsa Hartwin? Üna conferma da quista supposiziun chattaina aint in l'urbadi da Tarasp dal 1717 (4). In quel nomna il scrivant austriac da Puntina divers paur «Ortwein». Ma quels svest suottascriban cul nom «Arquin». Ün sulet ha suottascrit, fingià da quel temp, cul nom «Arquint». Quai es il nom üsità dad hoz. Hartwin, Ortwin, Arquin es il listess nom. Ed ün Hartwin exista güst alura in quella cuntrada, nempe a Muntatsch. El es ün dals duos possessuors dals duos bains chi sun là (vide a e b). Niklaus pudess esser ün strusch paraint da la guaivda (?) da b. Aint il urbadi dal 1717 da Tarasp gnivan rapreschantadas las guaivdas dad ün prossem paraint.

Ils duos plandschaders scriban ch'els avdan a Greusch. Cur chi's ha scrit in Austria, s'haja adüna dovrà noms cuntschaints als Austriacs (vair p.ex. l'urbadi dal 1717). Greusch, il nom cuntschaint als Austriacs, pudess dimena esser dovrà quia impè dal nom Muntatsch, na uschè cuntschaint, chi's po suppuoner cha quia Ortwin da Greusch es identic cul Hartwin da Muntatsch (situà in immediata vicinanza da Greusch). Ortwin e Hartwin sun noms identics seguond l'üs da la lingua da quel temp. E da confuonder duos differentas persunas cun listess nom e da listess temp d'eira, sco chi para, exclus. Dimena es tuot la situaziun favuraivla a quista opiniun. Muntatsch es ün nom rumantsch, probabelmaing naschü pür tras quai, cha'ls Austriacs han fabrichà là las duos chasas per lur grands pas-chs da bescha sper Griosch (Gryusch). Las chasas, respectivmaing ils rests da lur ruinas, sun sün la spuonda stipa circa 50 meters suot la veglia cruschada da las vias cul nom Crusch dad hoz, la staziun da l'auto da posta tanter Sent e Ramosch. (La via veglia da l'Engiadina e la via veglia da Chanvèr e da Suren as cruschon precis a Crusch). Üna piazza plü adattada per quistas chasas chi stuvessan tocker pro'ls vasts pas-chs da bescha sper Griosch (Gryusch), nun hana chattà, siand cha intuorn ed intuorn tuot il terrain d'eira fingià occupà da la populaziun indigena da vegl inan. E massa dalöntschi d'avent da lur alps nu pudaivan esser las chasas güst fabrichadas. Aint ils vegls «Raitbücher» (amo avantman a München e Puntina) nomnan ils Austriacs quists duos bains, nouvamaing erets, adüna «las colonias da Greusch». Be üna jada appara per quels il nom Muntatsch. Schi's segua ils differentes möds da scriver «Greusch» (17 e 18), schi s'haja l'impressiun cha cun quai i saja simplamaing manià Crusch dad hoz, quella vouta bain cuntschaint sco punct da colliaziun da trafic, al cuntrari cul nom Muntatsch, nouv in quist lö e per quai incuntschaint als Austriacs.

Per els nun eira quel dad identificar cun sgürezza, siand chi daiva alura bleras cuttüras cul nom Muntatsch.

Muntatsch d'eira amo abità al cumanzamaint da quist tschientiner. Seis avdants d'eiran in greiva dispitta culs da Crusch, quai chi'd ha gnü la noscha conseguenza, chi'd es gnü miss fö. Cun quai es i Muntatsch in malura.

Tuornaina al cumanzamaint da noss'istorgia e legiaina pro Otto Stolz (5) pag. 78, respectivmaing 140:

«Il quint dal cellerar (Kellner) dal chastè da Tirol dal 1317, chi'd es amo avant man, cuntegna ün'exacta enumeraziun da tuot ils bains, dals quals il güdisch ed ufficiant da Danuder ha tramiss ils prodots al schlerer dal chastè da Tirol. Qua sun nomnats precis duos bains, chi's rechattan in Engiadina, nempe a Crusch sper Sins (Sent).»

«...La fuorma plü veglia da quist nom es Greusch. L'identificaziun cun Crusch dad hoz resulta our dals urbaris da plü tard. In quels esa scrit cha quists bains sajan situats in Engiadina (18).»

«Seguond quist quint avaiva da furnir sco feud mincha bain da Crusch minch'an a l'ufficiant da Danuder e quel al cellerar dal chastè da Tirol: 75 beschs, 11 botschs chastrats, 3 armaints bovins, 130 Schot chaschöl, 13 noudas grass, 24 respectivmaing 29 passa (Ellen) pon.»

«In ün lö dal quint esa scrit expressamaing cha'l chaschöl d'eira fat dal lat bescha. Cha la bescha dal Vnuost Sura ed in Engiadina gniva munscha, resulta our da l'expressiun «melke Schafe» in ün documaint dal 1380. Ils duos bains furnivan dimena minch'an üna giodia da l'economia cun la bescha chi para considerabla per quist'otezza.»

Resümaina: Nus avain dachefar cun duos grands bains cun bescha. Ils possessuors da quels avdan in lur bains (chasas) a Muntatsch, immediatamaing suot la fracziun Crusch dad hoz, dimena giò la val. Là gniva eir fat il pon. Lur pas-chs per la bescha sun sün l'alp da Gryusch (=Griosch?). Sü là gniva manada la bescha e restaiva là dūrant la stagiun choda, sco chi's fa amo hoz. Là avaivan ils possessuors dals bains da bescha lur teja(s) culla(s) chascharia(s) ed il persunal necessari. Els stuvaivan mundscher duos jadas al di la bescha, ed i d'eira da far chaschöl.

Ulteriuors citats dad Otto Stolz:

pag. 142 resp. 80: *«Eir ils bains da Crusch e Rojen (pro'l Reschen) dal suveran tirolais d'eiran grands bains alpins per bescha chi d'eira destinada a proveder la cuort tirolaisa cul necessari.»*

«L'administraziun dal suveran tirolais ha surtut da popular ils bains culla quantità necessaria da muvel e da procurar il sal e probabelmaing eir oter plü per lur pauraria ed economia.»

«Il viscont (Burggraf) da Tirol ha sbassà da las jadas ils fits i'l nom dal suveran, afin cha'ls possessuors dals bains da Crusch hajan pudü reparar e fabricarvi da lur bains. El ha eir cumprà minchatant vachas pels bains da Crusch per l'adöver persunal dals possessuors.» Quists bains toccaivan nempe pro las colonias novas drizzadas aint dal chastè da Tirol. A quellas güdaiva el in mincha möd. Pag. 143 resp. 81: *«La scossa da bescha da quists bains nu consistiva be da bescha tratta sü là, dimpersè per part gniva ella cumprada minch'an utrò.»* La stà as pudaiva nudrir la bescha süls pas-chs da las alps dals bains. D'inviern d'eira il pavel s-chars. Dal 1326 vain p.ex. notà cha quella jada d'inviern nun existiva bescha süls bains da Crusch e Rojen. I dà in ögl cha aint ils cudeschs da quint dal 14avel tschientiner cumparan vaira regularmaing spaisas per la cumpra da bescha, specialmaing bümatschs (castrati), süllas fairas da Glurns. *«Fich probabel d'eira destinada quista bescha per gnir manada, almain per part, süllas alps dals bains da Crusch e Rojen. Süllas fairas da Glurns gniva cuntschaintamaing impustüt eir gliend our da las cuntradas da las Prealps da l'Italia sura, Bergamo, Brescia, Com e Milan. Da quella provgniva probabelmaing da bescha chi gniva cumprada.»*



Restanzas dals vegls bains da Crusch

foto: Men Margadant

Ma fingià bod es gnü transfuormà il fit in munaida. Dal 1406 paja «il bain da Greusch (Crusch) annualmaing 30 Pfund Berner». Quai sta eir aint il documaint dal 1412. Ma il bap Philipp ed eir antenats eventuels dad el d'eiran responsabels pel bain dal temp, cur cha seis paurs stuvaivan amo dar nan il fit in fuorma da prodots da la pauraria.

Sco dit, plandschan dal 1412 ils da Greusch cunter ils Ramoschans pro'l suveran (vair survart). Dal 1446 plandschan darcheu «ils da Greusch» pervi da listessa chosa (6): Cha ils da Ramosch hajan fat per sai ün alp dadaint il pas-chs dals da Greusch. (Otto Stolz dovra cun quist'excepciun adüna il pled «Crusch») (18).

Cun quai es dimena descritta la situaziun, in la quala vivaiva Hartwin da Muntatsch, il figl da Philipp. El es, sco dit, enumerà aint illa rouda (Rodel) dals vasals da l'Austria chi staivan in Engiadina e giò'l Vnuost ils ans 1350-1400 (Jecklin). Eir i'l register dals sudits dal 1427 chattaina ad Ortwin ed a seis vaschin Klaus da «Krewa/Crusch» (13).

Co esa i lura inavant culla famiglia dad Hartwin (7)? Da quai quinta la charta da feud ch'el ha survgni dal 1421 pro'l hinteren Rungk Hof, hoz Tarasp-Florins, chasa Nr. 111. El s'avaiva maridà culla figlia Margreth dad Ulrich von Rungk e tilla avaiva tutta cun sai sün seis bain a Muntatsch. Ils conjugals han gnü 6 uffants chi sun enumerats cun lur noms (vair a). Causa vegldüm o mort da seis sör ha surtut Hartwin insembel cun sia famiglia il bain dad el ed ha survgni subit üna charta da feud dal 1421, suotsegnada dad Ulrich da Matsch, il plü giuven e cunt da Kirchberg (7). Che es dvantà cul bain dad Hartwin a Muntatsch? Plü probabel til ha'l laschà inavo là a seis figl il plü vegl, a Heinrich, forse insembel cul figl Dominic. Els stuvaivan administrar inavant il bain (cun l'agüd da famagls, signuns). Il bap nu d'eira dalöntschi da là e pudaiva cusgliar e güdar. Il «äusserer» e «hinterer o innerer Rungk Hof» da Tarasp (uossa Florins) d'eiran probabelmaing eir colonias novas sco ils duos bains da Muntatsch. Qua es nempe gnü runcà, sco chi's sa, pür l'ultim illa cuntrada intuorn il chastè da Tarasp, (vair mia lavur sur da Tarasp-Florins: «Ün pa istorgia davart la 'Veste Trasp' e'l svilup da duos da seis bains fin ad üna fracziun») (15). E runcar as das-chaiva be cul permiss da Tirol (vair Otto Stolz). I's po bain s'imaginar cha'ls possessuors da tals bains d'eiran in relaziuns tanter pêr e chi d'eira pussibel da's maridar sün ün tal bain, in ün temp, cur cha'ls novs colonists e lur descendents nu s'avaivan amo integrats illa populaziun da vegl innan indigena e nu d'eiran amo dad ella uschè bainvis.

Als duos october 1480 (8) vain nomnà amo üna jada ün Claus Ortwein in quista cuntrada (da provgnentscha da Scuol). Es quai ün descendent

dals figls dad Hartwin = Ortwin, laschats inavo a Muntatsch e contuorns?

Il bap dad Hartwin avaiva nom Philipp, sco cha nus savain. Hartwin svesch ha darcheu ün figl cul nom Philipp, e dal 1598 avda ün Philipp Arquin (uossa es Arquin fingià il nom da famiglia) sül bain survart nomnà Florins (Tarasp). Seis figl ha nom Ludwig (nat dal 1580). El ha be duos figlias. Cun quai es mort oura quist ram da la famiglia Arquin, illa quala as repeta il nom Philipp (9).

Scha Hartwin füess rivà a Tarasp-Florins cun trais figls, schi pudess esser dvantà minchün dad els il prümgenitur (Stammvater) d'ün ram da la famiglia extaisa dals Arquin(t)s da Tarasp (9). I daiva a Tarasp propi trais stirpas (lingias) Arquin(t) chi's basan süls noms Philipp, Niclaus (nat dal 1570) ed Ulrich (nat dal 1590). Quists noms sun güst ils noms dals trais figls cha Hartwin avaiva tut cun sai probabelmaing a Florins (Tarasp). Uschè as pudessa metter ün pa in uorden las bleras lingias dals Arquin(t)s da Tarasp. E seguond dr. Constant Wieser (dissertaziun) (10) sun gnüdas causa la refuormaziun duos famiglias Arquin(t) da Scuol a Tarasp (descendents dals figls dad Hartwin, restats inavo vi la val?). Probabelmaing tocca il rest dals rams dals Arquin(t)s da Tarasp pro quistas duos famiglias (16).

Illa rouda (Rodel) dals sudits austriacs in Engiadina e vi'l Vnuost tanter 1350 e 1400 (Jecklin) es manzunà sün pagina 93 suot Latsch ün Hartwin da Trasp. Daspö chi mancan indicaziuns ulteriuras, nun esa pussibel da til metter a lö. Listess vala pel Ortwein chi es indichà suot «Remüs» aint il «Rodel der österreichischen Eigenleute im Engadin und Vintschgau 1350-1400». Là esa scrit: «Ortwein geit von der neuen Tautschen mülin III 1b. pheffers und III uentz saffran» (Jecklin pag. 45).

Tuornaina amo üna jada al cumanzamaint da quista lavur: Las colonias novas tirolaisas in Engiadina Bassa naschan i'ls ultims desch ans dal 13avel tschientiner: Dal 1294 vain nomnà fingià ün Chunrat da Muntatsch aint il «Gült- und Zinsbuch von Tyrol» (11). Da quai cuntegna il fögl 38: «ex officio Nauders. ...coloni de Craesch (Crusch) in Engiadina sper Ramüß». Plünavant: Ulrich e Fridrich a Croetsch (Crusch) («Münchner Codices») (12). Ulrich e Fridrich paran dad esser stats antenats dad Hartwin da Muntatsch e da Niklaus da Muntatsch. Tanter 1300 e 1400 vivan dimena sün l'ün dals duos bains da Muntatsch: ...Ulrich...Nicolaus (vair suotvart)... ...Philipp, Hartwin. Eu am decid per Ulrich, perche cha quist prenom vain avant suvent pro'ls descendents dad Hartwin (-Arquin); e Fridrich nu vain avant brich. (Series stipitum consanguineorum.....) (9). Tanter il 1317 e 1319 cumparan a Greusch ün Nicolaus ed ün Eberhard. Eberhard nu vain avant pro'ls Arquins (Tarasp, series...) (17).

Finalmaing inscuntraina amo üna jada ad «Ortwin e Klaus da Krews/ Crusch» aint illa glista da sudits suot Sent dal 1427 (13). Dal 1421 ha survgni dimena Ortwin = Hartwin sia charta da feud a Tarasp-Florins e dal 1427 vain el nomnà amo üna jada a «Krews/Crusch». Sco chi para avaiva'l amo da quel temp la survaglianza e la respunsabilità pel bain a Muntatsch ch'el avaiva surdat a seis figls.

Seguond dr.fil. Richard Patscheider sun ils duos bains da Crusch colonias da Gualsers. Ma eu nu vuless surtour quist'opiniun. I pudess esser cha Richard Patscheider haja radschun, almain per part e per oters lös in Engiadina Bassa. I's stuvess amo perscrutar quai. E sia indicaziun cha Crusch da l'Engiadina Bassa derivess dal Grüşch=Crusch da Partens nun es sgür na güsta (14). Crusch designescha simplamaing üna cruschada da vias. Ed ad üna tala es situà Crusch in Engiadina Bassa. Dal rest daja blers noms «Crusch».

A la fin vuless eu ingrazchar a ravarenda Carl Wieland, a l'indschegner forestal Niculin Bischoff ed a Niculò Gaudenz per l'agüd cun lur cugnuschentschas dal lö, eir per m'avair dat a mussà material necessari per mia lavur.

Annotaziuns

- 1) Jecklin, «Land und Leute des Unterengadins und Vintschgaus im 14. Jahrhundert» im Auftrag der Histor.-antiquarischen Gesellschaft, Cuoira 1922. Chapitel: «Rodel der österreichischen Eigenleute im Engadin und Vintschgau 1350 – 1400», pag. 67 suot «Schkuls» (Scuol).
- 2) Duri Chiampell pag. 23; Descripziun topografica da la Rezia alpina; 1573; in latin: Ulrici Campelli Raetiae alpestris topographica descriptio.
- 3) Archiv da la cità da Meran, Imbreviatur dal nuder Jakob da Sarnetz (Zernetz) 1411/ 12 fol. 96. Dr. Otto Stolz, Innsbruck. Beiträge zur Geschichte des Unterengadin aus Tiroler Archiven. LIII. Jahresbericht der Histor.-antiquarischen Gesellschaft von Graubünden, annada 1923, Cuoira 1924. Pag. 153.
- 4) Urbar von Tarasp, Landesarchiv Innsbruck, Nr. 141/1.
- 5) Otto Stolz, vair survart, pag. 140, 2 – 20.
- 6) Otto Stolz pag. 144,23 e pag. 154,VII, Innsbruck, Landesarchiv Grenzakten 38,1. Ausführlicher Regest im Schatzarchivrepert. 6, 624. Regest abgedruckt von Jäger in Z Ferd. 1838 S. 174ff.
- 7) Landesarchiv Innsbruck: Urkunde II 7809 (1421 Okt. 29).
- 8) Otto Stolz pag. 161, Originalpapier, Innsbruck, Landesarchiv Lehensurkunden A Nr. 234.
- 9) Series stipitum consanguineorum communitatis Taraspensis, pravenda, Tarasp.

- 10) Dissertaziun da dr.med. Constant Wieser Tarasp, Familiengeschichtliche Untersuchungen und erbbiologische Bestandsaufnahme, F. Schuler, Cuoiria; pag. 8 «Zwei Familien Arquint sind während der Reformationszeit sicher von Scuol nach Tarasp gezogen» (cumanzà dal 1942). Dr. Wieser m'ha dit ch'el haja quist'infuormaziun da pader Albuin Thaler (1868 – 1949, Brixen, Müstair, Tarasp, Müstair).
- 11) Hauptstaatsarchiv München, Gült und Zinsbuch von Tyrol, lit. B/20, a. 1294/5.
- 12) «Münchner Codices» – Ausw.St.Tirol Lit.B/5. In officio Nauders...a.1300.
- 13) Landesarchiv Innsbruck, Codex 12, Untertanverzeichnis 1427 fol 143 f: suot Sins (Sent).
- 14) «vom Oberrhein zum Etschquellraum» da dr.fil. Richard Patscheider, München 1967, Verlag Robert Lerche, München, pag. 87/88 e pag. 92.
- 15) Marianne Baumhauer: «Ein wenig Geschichte über die Veste Trasp und die Entwicklung zweier ihrer Höfe zu einer Fraktion», Selbstverlag; Dombibliothek Freising.
- 16) Sprecher pag. 301: «Zu Remüsser Pfarr gehört Criusch, Mennaum, Ciaflur, Serraplana, Ratschwallen».
- 17) Aint ils divers Raitbücher o Rechnungsbücher dals ans 1315, 1323, 1325, 1328, 1332, 1414, tuots da Danuder, be 1414 da Meran, adüna cul nom dal «iudex» da Danuder, vegnan adüna darcheu avant: Tarasp ed ils duos baints da Greusch, «de tribus Greuscheriis», Grusch, Grvsch, «...remisit Johanni de Greusch...» ed ün'otra jada: «Nicolaus, Eberhard e Jacob da Grevsch». Quists «Raitbücher» as rechattan a München, al Hauptstaatsarchiv: 13 f. 41; f. 155; ed a Puntina i'l Archiv dal stadi: 286 f. 59; 62 f. 25; f. 57; 197 f. 32; f. 68.
- Tuot quai n'haja chattà pro Otto Stolz: Beiträge zur Geschichte des Unterengadin, Beilagen, pag. 207 – 215 o 145 – 151 (quai dependa da l'ediziun).
- Pader Josef Joos, l'archivar da Marienberg am scriva: «Bei Goswin: Ein Hof genannt Wiese vom Kreuz (de Cruce) mit seinem Zubehör hat dergleichen Stücke an Wiesen und Äckern. Dieser unter Schuls angegebene Hof, der zum Kloster gehört, könnte das heutige Crusch sein».
- 18) Per illustrar l'adöver varià dal nom «Greusch» sco chi til pratichaivan ils Austriacs, fain nus seguir diversas variantas our da las «Beilagen» dad Otto Stolz pag. 145 resp. 207 e seguintas: «Auszüge aus den Raitbüchern der tirolischen Kammer, und zwar den Rechnungen des Richters von Nauders 1297 – 1342.»
- | | | |
|---------------------|---|------------|
| pag. 146 resp. 208: | «...de duabus curiis in Greusch...» | 4. lingia |
| | «...de tribus Greuscheriis...» | 27. lingia |
| | «...deficiunt de Greuscheriis...» | 38. lingia |
| pag. 147 resp. 209: | «...remisit Johanni de Greusch...» | 4. lingia |
| | «...curias in Greusch...» | 6. lingia |
| | «...curias domini in Greusch...» | 16. lingia |
| | «...de curiis in Greusch...» | 23. lingia |
| | «...de curiis in Gruesch...» | 32. lingia |
| | «...de Greuscheriis...» | 46. lingia |
| pag. 149 resp. 211: | «...de Nicolao de una curia in Grvsch» | 7. lingia |
| pag. 150 resp. 212: | «...Item de Eberhardo de Grevsch
de altera curia...» | 1. lingia |
| | «...Item de Jacob de Grevsch...» | 28. lingia |
| pag. 151 resp. 213: | «...von dem Hof ze Grewsch...» | 4. lingia |
| | pro Patscheider | |

fögl 38 (pag. 143) : «...am Ausgang des Rojentials in Rajen,
in Cräusch d.i. Crusch im Unter-
engadin bei Ramuß...”

7. lingia

«...Ulrich und Fridrich in croetsch (crusch)». 33. lingia

Ils noms dals duos bains sun dimena gnüts scrits in divers möds: Greusch, Gruesch (cun e sül u), Grvsch e Grevsch (minchün da quists duos bains vain scrit in listess quint in plüs möds), Grewsch ed aint ils documaints nomnats pro Patscheider: Cräusch, Croetsch ed üna jada dafatta Muntatsch.

Adüna es manià il listess lö. I's vezza cha'l möd da scriver s'avicinescha al nom Crusch.

- 19) Our da la charta da feud dal 1421: «...dem beschaiden Hartwigen weiland philippen sun von Muntatsch und Margarethen seiner ehelichen Wirtin, wiland Tochter Ulrichs von Runck...».